



IKINYAMAKURU K'IMIHINDAGURIKIRE Y'IKIRERE No 18, KIGENEWE


ABAHINZI- BOROZI IGICE CYA GATATU KAMENA (21-30), 2020

Cyasohtse ku itariki ya 02 Nyakanga 2020

Iriburiro

Mu minsi icumi y'igice cya gatatu, Kamena 2020 kuva tariki ya 21 kugeza tariki ya 30, mu Ntara y'Amajyaruguru n'iy'Uburengerazuba niho haguye imvura nyinshi kurusha ahandi hasigaye mu gihugu. Ahaguye imvura nyinshi ni ku bupimiro bwa Busogo hapimwe milimetero 29.2.

Ibipimo by'ubushyuhe ni nk'ibisanzwe mu gice cya gatatu cya Kamena, Iyipimo cy'ubushyuhe bwo hejuru cyari hagati ya dogere Selisiyusi($^{\circ}\text{C}$) 20.9 muri Musanze ndetse no muri Gicumbi na 30.2°C mu Bugarama naho igipimo cy'ubushyuhe bwo hasi cyari hagati ya 11.4°C ku bupimiro bwa Musanze na 18.0°C ku bupimiro bwa Bugarama.




Ishusho 1: Imvura yaguye ugereranyije n'isanze igwa muri icyo minsi.

1.0. Imvura yaguye

Aha turerekana ingano y'imvura yaguye, umubare w'iminsi imvura yaguye n'ubuhere bw'ubutaka mu minsi icumi y'igice cya gatatu cya Kamena 2020.

1.1. Ingano y'imvura yaguye

Ikarita ya mbere hasi irekana ingano y'imvura yaguye mu minsi icumi y'igice cya gatatu cya Kamena 2020. Igiteranyo cy'imvura mu minsi icumi y'igice cya gatatu cyari hagati ya milimetero 0 na milimetero 29.2. Mu Ntara y'Amajyaruguru n'iy'Iburengerazuba niho haguye imvura nyinshi kurusha izi ntara. Ahaguye imvura nyinshi ni ku bupimiro bwa Busogo mu karere ka Musanze haguye imvura ingana na milimetero 29.2, ku bupimiro bwo ku kibuga cy'indege cya Musanze mu Ntara y'Amajyaruguru hapimwe milimetero 23.4 no ku kibuga cy'indege cya Rusizi mu Ntara y'Iburengerazuba hapimwe milimetero 16.8.



Ikarita ya 1: Ingano y'Imvura muri mm

1.2 Imvura isanzwe igwa mu minsi icumi y'igice cya gatatu cya Kamena

Ufatiye ku bipimo by'igihe kirere, ikarita ya kabiri iratwerekana imvura isanzwe igwa mu minsi icumi y'igice cya gatatu cya Kamena.

Ubusanzwe igice cya gatatu cya Kamena kigusha imvura iri hagati ya milimetero 0.3 na 18.9; bigaragara ko ugereranyije imvura yaguye n'isanzwe igwa mu gihe kirekire, imvura yaguye yari nyinshi mu bice byo mu Ntara y'Amajyaruguru ndetse no mu majyepfo y'Iburengerazuba, mu bindi bice bisigaye by'igihugu hakaba haraguye imvura nke cyane.




Ikarita ya 2: Imvura isanzwe igwa mu gice cya gatatu cy'ukwezi kwa Kamena

1.3. Umubare w'iminsi imvura yaguyemo

Ikarita ya 3 iragaragaza umubare w'iminsi imvura yaguyemo, mu gice cya mbere mu kwezi kwa Kamena 2020. Umunsi tubara ko wagushije imvura ni uwapimweho byibuze milimetero 0.85 cyangwa nyinshi. Muri iki gice ahenshi mu gihugu nta munsi numwe imvura yaguye cyane cyane mu ntara y'Iburasirazuba, ku bupimiro bwa Gitega, Byimana na Gicumbi imvura yaguye umunsi umwe, ku bupimiro bwa Bugarama, Rusizi na Rubavu imvura yaguye iminsi ibiri, ku bupimiro bwa Musanze imvura igwa iminsi

itatu naho iminsi ine ari nayo yabaye myinshi yabonetse ku bupimiro bwa Busogo ho mu karere ka Musanze mu ntara y'Amajyaruguru.



Ikarita ya 3: Umubare w'iminsi imvura yaguyemo

1.4 Ubuhehere bw'Ubutaka

Aha turagaragaza muri rusange uko ubuhehere bw'ubutaka bwari bumenze. Ahenshi mu gihugu ubuhehere bw'ubutaka muri iyi minsi icumi y'igice cya gatatu cya Kamena 2020 bwaragabanutse cyane bitewe n'ibihe by'izuba byaranze iyi minsi. Hateganyijwe ko ubuhehere bw'ubutaka buzakomeza kugabanuka mu gice cya mbere cya Nyakanga bitewe n'uko ibi bihe by'izuba bizakomeza.


2.0. Iyipimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

2.1 Iyipimo cy'ubushyuhe bwo hejuru

Ikarita ya 4 irerekana ubushyuhe bwo hejuru. Ugendeye ku bipimo by'ubushyuhe dusanzwe dupima, ahenshi mu gihugu ubushyuhe bwari mu kigereranyo cy'impuzandengo y'igihe kirekire; mu Ntara y'Iburasirazuba, mu Mujiyi


wa Kigali, ndetse n'igice kinini cy'Iburengerazuba cyane cyane mu Majyepfo yaho niho hashyushye kurusha ahandi. Mu Ntara y'Amajyaruguru akaba ariho hakonje ugereranyije n'ahandi mu gihugu. Iyipimo by'ubushyuhe byari hagati ya dogere Selisiyusi 20.9 na 28.0 ahenshi mu gihugu; uretse ku bupimiro bwa Bugarama hashyushye cyane hapimwe dogere selisiyusi 30.2. Ugereranyije n'iminsi icumi y'igice cya kabiri cya Kamena ubushyuhe bwo hejuru bwiyoungereheyo gato.



Ikarita ya 4: Ubushyuhe bwo hejuru

2.2. Iyipimo cy'ubushyuhe bwo hasi

Ikarita ya gatanu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 11.4⁰C (Musanze) na Dogere Selisiyusi 18.0⁰C (Bugarama). Mu Majyaruguru y' u Rwanda niho hakonje cyane kurusha utundi duce tw'igihugu. Ugereranyije n'iminsi icumi y'igice cya kabiri cya Kamena ubushyuhe bwo hasi bukaba butarahindutse.




Ikarita ya 5: Ubushyuhe bwo hasi

3.0 Iteganyagihe rigenewe abahinzi mu minsi icumi y'igice cya mbere cya Nyakanga (tariki 01-10) 2020

3.1 Ikirere giteganyijwe

Mu gice cya mbere cy'ukwezi kwa Nyakanga (hagati y'italiki ya 1 niya 10 Nyakanga) mu Rwanda hateganyijwe kurangwa n'imvura iri hagati ya milimetero 0 na 15mm. Muri rusange igice kinini cy'igihugu kizarangwa n'imvura nke ndetse n'ibihe by'izuba ryiganje. Mu turere twa Rubavu, Rutsiro, Nyamasheke na Rusizi niho hateganyijwe imvura nke iri hagati ya milimetero 5 na 15 mu gihe ahasigaye hose hateganyijwe imvura iri hagati ya milimetero 0 na 5 (ubusobanuro bwa buri hantu n'imvura ihateganyijwe bigaragara mu ikarita iri hasi). Imvura iteganyijwe mu gice cya mbere cya Nyakanga 2020 iri hejuru y'impuzandengo

y'imvura isanzwe igwa mu turere tune twavuzwe haruguru muri icyo gihe mugihe ahandi hose imvura iri ku kigero cy'impuzandengo y'imvura isanzwe ihagwa mu gice cya mbere cya Nyakanga 2020.



Ikarita ya 6: Iteganyagihe ry'imvura mu gice cya mbere cya Nyakanga 2020.

3.2 Ibirebana n'imirimu y'ubuhinzi

Dushingiye ku bipimo bigaragaza ko imvura irimo gucika ndetse ikazagabanuka cyane mu gice cya mbere cya Nyakanga 2020 (tariki 01-10), abahinzi barashishikarizwa gukomeza gukurikiranira hafi ibihingwa ndetse bakaba banahinga cyane cyane mu bishanga nahandi hantu kuvomera bizaborohera, kandi bakomeza kugisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda www.meteorwanda.gov.rw, cg guhamagara umurongo utishyurwa 6080.